

Շոգովուրդ

173
(3204)

11 դեկտեմբերի հինգշաբթի 2025
տպագրության ԺԴ տարի

Ի. Երեւան, Արմավյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ՓՈԽՄԱՐԶՊԵՏԻ ԿԱՐԻԵՐԱՆ ԵՎ ՈՒՆԵՑՎԱԾՔԸ



Իշխանության ներսում կադրային սովն ամեն անգամ ավելի ընդգծված է արտա-
ցույցում, երբ ուսումնասիրում ենք պաշտոնյաների՝ իրենց հետ պաշտոնի բերած ան-
ձանց կենսագրությունը եւ ունեցվածքը:

Օրինակ՝ Գեղարքունիքի մարզպետ Կարեն Սարգսյանը իր օգնական, ապա
խորհրդական, իսկ այժմ տեղակալ է Նշանակել Ջանիկ Բազեյանին, ով մինչ քաղա-
քական դաշտում հայտնվելը 4 տարի՝ 2014-2018 թվականներին, աշխատել է Ռու-
սաստանի Դաշնությունում եւ զբաղվել է անհատ ձեռնբերչությամբ: Այսինքն՝ Նիկոլ
Փաշինյանի ասած՝ «խոպանջի» է եղել:

2018 թվականից մինչեւ 2020 թվականը հարցական է, թե Բազեյանն ինչու է զբաղ-
վել: Կենսագրության այս 2 տարին բաց է թողնված:

2020 թվականից սկսվող կարիերայում Բազեյանը, երբեք պետական պաշտոն
չզբաղեցնելով, վերադարձել է հայրենիք եւ միանգամից ՀՀ ՏԿԵՆ Ջրային կոմիտե-
ում դարձել կոմիտեի նախագահի օգնական:


Իսկ այդ ժամանակ նախագահը Ներկայիս մարզպետ Կարեն Սարգսյանն էր:

2021 թվականին, երբ Սարգսյանը Նշանակվեց Գեղարքունիքի մարզպետ, Ջանիկ
Բազեյանը տեղափոխվեց մարզպետարանի աշխատակազմ՝ շուրջ երեք տարի աշ-
խատելով որպես մարզպետի օգնական: 2024 թվականին նա երկու ամսով անցավ
խորհրդականի պաշտոնին, իսկ նույն տարվա մարտից Նշանակվեց մարզպետի տե-
ղակալ: Բազեյանի կենսագրության մեջ Նշվում է, որ նա «Քաղաքացիական պայմա-
նագիր» կուսակցության համակիր է, սակայն կուսակցության անդամ չէ:

Ինչ վերաբերում է փոխմարզպետի ունեցվածքին, ապա նրա կողմից ներկայաց-
ված 2024 թվականի գույքի, եկամուտների, ծախսերի եւ շահերի հայտարարագրում
Նշված է, որ նա ունի հինգ անշարժ գույք՝ չորս հողամաս եւ մեկ անհատական բնա-
կելի տուն, որոնք գտնվում են Կոտայքի մարզի Ջրվեժ համայնքում: Բազեյանը
ծնունդով հենց Ջրվեժից է: Հողամասերից երեքը նա նվիրատվություն է ստացել երեք
անձանցից, որոնք, ըստ անվանումների, ամենայն հավանականությամբ իրեն հարա-
զատ մարդիկ են:

Շարունակությունը եւ մանրամասները՝ ArmLur.am կայքում:

«Ժողովուրդ» օրաթերթի տեղեկություններով, մի շարք արտախորհրդարանական ընդդիմադիր ուժեր պարբերաբար հանդիպումներ են ունե-
նում՝ քննարկելու համապետական ընտրություններին ընդառաջ իրենց անելիքները: Մեր տեղեկությունների համաձայն՝ այդ ուժերն են «Հայ
ազգային կոնգրես»-ը (ՀԱԿ), «Սասնա ծռեր»-ը, «Ապրելու երկիր»-ը, «Նժար» սահմանադրական շարժումը, «Հաղթանակ» կուսակցության նախագահ,
քաղաքային պլանավորող Վիկտոր Մնացականյանը եւ այլք: «Մենք շատ ավելի մեծ թվով մարդկանց ու քաղաքական ուժերի հետ ենք հանդիպում:
Կարծում եմ՝ ճիշտ չի լինի հիմա անուններ հրապարակելը ու հանդիպումներից մանրամասներ հայտնելը», - «Ժողովուրդ» օրաթերթի հետ զրույցում
ասաց «Նժար» սահմանադրական շարժման առաջնորդ Նիկա Կարապետյանը՝ հավելելով, որ ավելի ողջամիտ է գտնում այս իրավիճակում լռություն
ու հանգստություն պահպանելը: Կարապետյանը հանդիպումներից միայն Նշում է, որ բազմաթիվ հարցերում ընդհանուր հայտարարի են եկել այն բո-
լոր ուժերի հետ, որոնք իսկապես արժեհամակարգ կրող են, պատկերացում ունեն, թե ինչպիսի փոփոխված, զարգացած, անվտանգ Հայաստանում կա-
րող են ապրել: Մեր այն հարցին, թե քննարկում ունեցել են նոր ձեւավորված «Միասնության թեւեր» շարժման առաջնորդ Արման Թաթոյանի հետ, Կա-
րապետյանը չպատասխանեց: «Միասնական թեկնածուի մասին առայժմ վաղ է խոսել: Միայն կարող եմ ասել, որ «Նժար»-ի կողմից իմ թեկնածությունն
են առաջարկել», - բացահայտեց Կարապետյանը:



Մանրամասները՝ ArmLur.am կայքում:

Կոռուպցիայի կանխարգելման հանձնաժողովը Կոտայքի նախկին մարզպետ Կավալենկո Շահգալդյանի որդու՝ Հակոբ Շահգալդյանի վերաբերյալ
որոշում է կայացրել եւ վերջինիս նկատմամբ կիրառել վարչական տույժ: Բանն այն է, որ հանձնաժողովը քննության է առել Infocom.am-ի «Չա-
րենցավանի համայնքապետարանը կառավարող խմբակցության հետ կնքել է 478 մլն դրամի պայմանագիր» վերտառությամբ հոդվածը: Ուսումնասիրու-
թյան արդյունքում պարզվել է, որ Հակոբ Շահգալդյանը 2025 թվականի փետրվարի 5-ին եւ սեպտեմբերի 4-ին կնքել է կապալային աշխատանքների գն-
ման պայմանագրեր «ԱՇԿԱՐ» ՍՊԸ-ի հետ, որի գործադիր մարմինը եւ միակ սեփականատերը հանդիսացել է իր հետ գործնական հարաբերություններ
ունեցող անձ՝ Չարենցավանի համայնքի ավագանու նույն խմբակցության անդամ Տարոն Եփրեմյանը: Փետրվարի 5-ին կնքված կապալային աշխատանք-
ների կատարման գնման պայմանագիրը կնքելուց առաջ Հակոբ Շահգալդյանի կողմից Հանձնաժողովը չի ներկայացվել դրա կնքման փաստի վերաբեր-
յալ հայտարարություն՝ այդ կերպ թույլ տալով «Հանրային ծառայության մասին» օրենքի 33-րդ հոդվածի 7-րդ մասի պահանջի առերեսույթ խախտում:
Հանձնաժողովի 2025 թվականի նոյեմբերի 13-ի համապատասխան որոշմամբ հարուցվել է վարչական իրավախախտման վերաբերյալ վարույթ: Հանձ-
նաժողովը ծանուցել է Հակոբ Շահգալդյանին՝ իրավիճակում անձամբ կամ ներկայացուցչի միջոցով մասնակցելու վարչական իրավախախտման հիմքով
արձանագրության կազմմանը, ինչպես նաեւ իրականացվող գործի քննությանը: Սակայն Շահգալդյանը ոչ մի կերպ չի ներկայացել Հանձնաժողով: Գոր-
ծի քննությունն իրականացվել է նրա բացակայության պայմաններում:



Շարունակությունը՝ ArmLur.am կայքում:

«Ժողովուրդ» օրաթերթի իշխանական աղբյուրները փոխանցում են, որ Նիկոլ Փաշինյանը վերջին օրերին թիմին հանձնարարել է առավել ակ-
տիվ զբաղվել Կաթողիկոսի տեղապահի հետ կապված հարցերով: Նույն աղբյուրների վկայությամբ՝ վարչապետը թիմակիցներին ասել է, որ
առաջիկայում պետք է մշակվի եկեղեցու նոր կանոնագիրը, եւ տեղապահի հարցը վերջնական լուծում ստանա: Փաշինյանը շեշտել է, որ եկեղեցում,
հոգեւորականության շրջանում անհրաժեշտ են իրական բարենորոգումներ, որպեսզի ապագայում չպարզվի, թե դեռ կան թեւեր, որոնք աջակցում են
Նախկին նախագահներին: Նշենք, որ ըստ կառավարության մեր աղբյուրի՝ Նիկոլ Փաշինյանը հատկապես չի ներում Կաթողիկոսի հայտարարությունն
ի պաշտպանություն Ռոբերտ Զոհարյանի, երբ իշխանությունները նրան կալանավորեցին՝ մարտի 1-ին սահմանադրական կարգի տապալման գործի
շրջանակում: Փաշինյանը չի ներելու նաեւ, որ Կաթողիկոսը թույլ է տվել՝ Բագրատ սրբազանը քաղաքական ուժեր ձեւավորի ու առաջնորդի: Առաջի-
կայում ավելի ուժեղ ռեպրեսիաներ են լինելու եկեղեցու եւ եկեղեցականների նկատմամբ: Մենք տեղեկացանք նաեւ, որ Մայր Աթոռում էլ որոշել են՝ հո-
գեւորականներն ու եպիսկոպոսները մի տեսական ժամանակ որեւէ հայտարարությամբ հանդես չեն գա, մինչեւ կհասկանան իրենց անելիքները:



ՀԱՐՑԱԶԴՐՈՒՅՑ

ՄՓՅՈՒՌԻ ՂԱՆԻՊ ԿԵՐԱՔԵՐՄՈՒՆԻՔԸ ԶԻ ՓՈԽՎԵԼ, ՀԱՅԲԱՊԵՏՅԱՆ

«Ժողովուրդի հարցերը» հաղորդման
 ԵՐԶԱՆԱԿԻՈՒՄ «Ժողովուրդ» օրաթերթը
 զրուցել է ՀՀ բարձր Տեխնոլոգիական
 արդյունաբերության մախարար Մխի-
 թար Հայրապետյանի հետ: Զրույցը վե-
 րաբերել է բաղափականության մեջ
 նրա առաջին ֆայլերին, հեղափոխու-
 թյան մեջ ունեցած դերակատարությա-
 նը, զբաղեցրած դասփոխման եւ մի
 ԵԱՐԲ ԱՅԻ ԽԱՐԳԵՐԻ:

Հարցազրույցի առաջին մասը «Ժողովուրդ» օրաթերթի երեկվա՝ 3203 համարում:

Մխիթար Հայրապետյան.

-Ինչ վերաբերում է հեղափոխության կայացման ընթացքում պաշտոնական ներգրավվածության մասին մտքերին՝ դա իրականում ընդհանրապես չէր քննարկվում:

Առաջին խոսակցությունները պաշտոնների մասին սկսվեցին միայն մայիսի 9-ին, երբ վարչապետն արդեն ընտրված էր: Այդ ժամանակ հենց վարչապետն ասաց, որ պետք է համախմբվենք, ստանձնենք պատասխանատվություն եւ քաղաքական առաջնորդություն: Այսինքն՝ պաշտոնների մասին խոսք է եղել միայն այն ժամանակ, երբ «Ոչ բռնի թափվյալ հեղափոխությունը» արդեն կայացել, իրականություն էր դարձել:

–Պարոն Հայրապետյան, դուք նշանակվեցիք սփյուռքի նախարար հեղափոխությունից հետո՝ բավականին երիտասարդ տարիքում, բայց այնուհետեւ նախարարությունը լուծարվեց: Այդ քայլը հիմա շատերի կողմից մեկնաբանվում է որպես հեղափոխության մասնակիցների (բացասական) վերաբերմունք սփյուռքի լուծարմամբ: Համաձայն եք այդ տեսակետին:

-հիարկե՝ ոչ: Ես բազմիցս ասել եմ, որ դա վերաբերում էր կառավարման մոդելի իմաստավորմանը, ոչ թե վերաբերմունքին: Նախարարության գոյությունը կամ չգոյությունը չի կարող արտահայտել պետության վերաբերմունքը սփյուռմբի հանդեպ: Պետության վերաբերմունքի ան-



տահալայություն է գործերով, քաղաքականությանը, իրականացվող ծրագրերով: Շատ ավելի կարեւոր արտահայտչամիջոցներ կան իրականում, որ պետությունը դրսևերում է՝ ցույց տալով իր վերաբերմունքը:

Երբ այդ շրջանում գնացի Ազգային ժողով, «կրթության գիտության...» երկար անվանումը կրող այդ հանձնաժողովին եւ ԱԺ նախագահին ներկայացրի, որ մանկատի շրջանակում այդտեղ առաջին անգամ նախատեսվի նաեւ «սփյուռք»-ը, այսինքն՝ կրթության գիտության նախարարության անվան երկար հապավման մեջ ընդգրկվի նաեւ «սփյուռք» բաղադրիչը: Եվ այդ երկու «ս» տառերից մեկը՝ «սպորտ» եւ «սփյուռք», հենց նշածս «սփյուռք»-ը դարձավ: Սա հենց այդ ազգակներից էր՝ ցույց տալու համար սփյուռքին, որ այստեղ վերաբերմունքի որեւէ փոփոխություն չկա: Պարզապես կառավարումն իմիմեզ:

-Կա տեսակետ, որ սփյուռքի որոշ շրջանակներ նեղացած են իշխանությունից: Համաձայն եք:

-Նայած որ շրջանակների մասին է
խոսքը: Կան շրջանակներ, որոնք հիմա
ավելի սերտ են աշխատում Կառավարու-
թյան հետ, քան երբեք: Եվ կան շրջա-
նակներ, հատկապես տարբեր կու-
սակցություններին մոտ կանգնածները,
որոնք դեպքում, այո, կապը որոշ չափով
թուլացել է: Դա ինձ համար գավաի է:

Իմ պատկերացմամբ՝ տարբեր համայնքներ, կազմակերպություններ պետք է մի կողմ դնեն քաղաքական կամ գաղափարական տարածայնությունները եւ համախմբվեն Հայաստանի պետական շահի շուրջ: Մեզ պետք է ընդհանուր պետական գաղափարախոսություն, որից հորուս քաղաքական ճաշակները երկրորդական կլինեն:

Զորակցե՛ք ՍՈՆԱ ԳՐԻԳՈՐՅԱՆԸ

ՔԱՂԱՔԱԿԱՆ ՕՐԱԿԱՐԳ

ՍՐԲԱԶԱՆՆԵՐԻ
ՆԱՄԱԿԸ՝ ԱԱԾ
ՄԵԿՈՒՍԱՐԱՆԻՑ

Միքայել, Բագրատ եւ Արշակ սրբազանները երեկ Նամակ են գրել ԱՄՏ մեկուսարանից.

«Արդեն պարզից էլ պարզ է, որ Հայաստանի Հանրապետության տարածքում գործում է զինված բանդա, որը զբաղված է կիրակի օրերը եկեղեցիներ զավթելով եւ հավատացելոց իրավունքները կոպտորեն ոտնահարելով՝ իրենց սատանայական «պաշտամունքները» կատարելու համար:

Այս հանցավոր բանդան գլխավորում է վարչապետի պաշտոն զբաղեցնող, անհայտ դավաճանքի տեր մի անձ ով զինված մարդկանց ուղեկցությամբ, բացահայտ եւ անթաքույց լկտիությամբ թափանցում է իր իրավասության տակ չգտնվող կոդեցու սակրալ տարածքներ՝ խախտելով կրոնական ազատության սահմաններն ու սեփականության իրավունքի անձեռնմխելիությունը:

Նողկալի է, որ սույն բառդային նախա-
րարներից, պատգամավորներից, զանա-
զան արկածախնդիրներից բացի, միացել
են նաեւ իրենց եռակի օծույթ ունեւորա-
րկանքը՝ «հոգեւորականներ»,
որոնք իրենց սույն քալով արծառացել են
Սատու ոգաւորաւորակ:

Սույն հանցավոր զինված բանդայի դեռևս ազատության մեջ գտնվելը խոսում է, իբրեւ թե, իր սուվերենությունը «գտած», սակայն իրականում կորցրած պետականության փշրանքների լիակատար զավթման մասին հանցագործ սուբյեկտների կողմից: Սակայն վստահ ենք, պետականությունը կվերականգնվի, իսկ հանցագործները կզբաղեցնեն այն տեղը, ուր մայրիկի կերպով գտնվում ենք այսօր մենք խոճի հայրանավորներս:

«Եթե Աստված մեր կողքին է, ո՞վ կարող է լինել մեզ հակառակ»:

Յիդբայել արքեպիսկոպոս Աջապահյան
Բագրատ արքեպիսկոպոս Գալստանյան
Արշակ արքեպիսկոպոս Խաչատրյան»:

**«ԳՈՐԾԻ ԱՆԱՉԱՌ-
ՎԵՐԱՆԱՅՄԱՆ
ԿԱՐԻՔ ԿԱ».
ՓԱՍՏԱԲԱՆ**

Երեկ՝ Մարդու իրավունքների միջազգային օրվան ընդառաջ, փաստաբան Գայանե Պապոյանը գրառում է արել. «Այսօր, երբ ամբողջ աշխարհում նշվում է Մարդու իրավունքների միջազգային օրը, Հայաստանի Հանրապետությունում շարունակում է մնալ անստնդեղծ այն իմաստարար սկզբունքը, ուստ որի՝ անձի ազատությունն

ու արդար դատաքննության իրավունքը պետք է պաշտպանված լինեն առանց բացառության: Այն, ինչ տեղի է ունեցել եւ շարունակում է տեղի ունենալ Դավիթ Յամբարձումյանի նկատմամբ, ըստ էության, հասկառում է այդ սկզբունքներին»,- գրել է փաստաբան Գարակն Պատույանը:

«Մարդու իրավունքների օրը չի կարող լինել ձեռակախություն, երբ իրական մարդկանց ազատություններն ու արժանապատվությունը նստվածքի նման մնում են դատական համակարգի անկատարությունների ներքո:

Այսօր առավել քան երբեմն կարևոր է բարձրաձայնել, որ յուրաքանչյուր սահմանափակում, այդ թվում՝ ազատագրվումը, պետք է հիմնվի բացառապես օրենքի վրա, ոչ թե քաղաքական կամ անձնական մոտիվների: Դավիթ Համբարձումյանի վերաբերյալ կայացված դատավճիռը պետք է ենթարկվի անաչառ, թափանցիկ եւ շտապ վերանայման, իսկ նրա իրավունքների կոպտագույն խախտումները՝ անհապաղ ստուգվեն:

Մարդու իրավունքների միջազգային օրը պարտադրում է ոչ թե գեղեցիկ հայտարարություններ, այլ գործողություններ: Իսկ գործողությունը, այս դեպքում մեկն է՝ վերականգնել Դավիթ Յամբարձումյանի իրավական վիճակն օրենքի պահանջներին համապատասխան եւ ապահովել նրա իրավունքների լիարժեք պաշտպանությունը»,-գրել է փաստաթուղթը:

ՓՈՓՈԽՈՒԹՅՈՒՆՆԵՐ

Արդարադատության նախարարությանն առաջարկում է ԶԿԱԳ-ի կողմից մատուցվող մի շարք ծառայությունների դրույքաչափերի փոփոխությունն իրականացնել: Սիս դրանցից մի քանիսը: «Պետական տուրքի մասին» օրենքում կատարվող փոփոխություններով նախատեսվում է բարձրացնել ամուսնալուծության գրանցման ժամկետը լրացուցիչ վճարի դիմաց կրճատելու ծառայության դիմաց սահմանված տուրքը՝ նպատակ ունենալով խթանել ընտանիքի պահպանումը:

«Քաղաքացիական կացության ակտերի գրանցման մասին» օրենքի կարգավորումների համաձայն՝ 18 տարին լրացած անձն իրավունք ունի փոխելու անունը, որը ներառում է անունը, ազգանունը, հայրանունը: Անվան փոփոխման գրանցումը թույլատրվում է առանց այն հիմնավորող պատճառների: Ներկա պահին գործող կարգավորման պարագայում բազմաթիվ են դեպքերը, երբ անձը կրկնակի դիմում է ներկայացնում փոխելու իր տվյալը՝ կարճ ժամանակ անց վերադառնալով նախկին տվյալին կամ անվան փոխման դիմում է ներկայացնում իր տվյալում փոխելով ընդամենը մեկ տառ: Առաջարկվում է բարձրացնել անվան փոխման համար սահմանված պետտուրքի դրույքաչափը:

Օտարերկրյա քաղաքացիների վերաբերյալ քաղաքացիական կացության ակտային գրանցման համար ներկայացվող փաստաթղթերն առավել շատ ու բազմազան են եւ ուսումնասիրության տեսանկյունից՝ աշխատատար: Օրինակ՝ ՀՀ քաղաքացիների վերաբերյալ ամուսնության պետական գրանցման համար կատարվող աշխատանքի ծավալը եւ դրան հատկացվող ժամանակը զգալիորեն զիջում է օտարերկրյա պետության քաղաքացիների վերաբերյալ ամուսնության համար կատարվող աշխատանքի ծավալին ու տրամադրվող ժամանակին, հետեւաբար՝ նպատակահարմար է օտարերկրյա քաղաքացիների, այդ թվում՝ միայն ամուսնացողներից մեկի ՀՀ քաղաքացի հանդիսանալու դեպքում ամուսնության գրանցման համար սահմանել պետական տուրք: Նույն հանգամանքից ելնելով՝ նպատակահարմար է օտարերկրյա քաղաքացիների համար հայրուհյուն (մայրություն) ճանաչելու համար բազային տուրքի չափը սահմանել բազային տուրքի երեսնապատիկի չափով, ինչպես նաեւ օտարերկրյա քաղաքացիների կողմից երեխայի որդեգրման մասին ակտային գրանցման համար սահմանել պետտուրք՝ բազային տուրքի երկուհարյուրապատիկի չափով:

Մյուս կողմից, պետության համար ռազմավարական կարեւորություն ունեցող ոլորտներում օտարերկրյա քաղաքացիների ներգրավման դեպքերում եւս կբարձրագվեն պետտուղութերը:

Քաղաքացիական կացության ակտային գրանցման մեջ փոփոխություն կատարելու գործառույթը հիմնականում կիրառվում է դիմողի գրանցման եւ անձը հաստատող փաստաթղթում առկա անհամապատասխանության պարագայում՝ քաղաքացիական կացության ակտային գրանցման մեջ անձի անհատական տվյալները նրա անձը հաստատող փաստաթղթին համապատասխանեցնելու նպատակով: Մինչդեռ, քաղաքացիական կացության ակտային գրանցման մեջ ուղղում, լրացում կատարելու արդյունքում հաճախ առաջանում է անձը հաստատող փաստաթղթի փոփոխության անհրաժեշտություն: Տվյալ դեպքում անձը կատանա ընտրության հնարավորություն՝ իր վերաբերյալ քաղաքացիական կացության ակտային գրանցման մեջ իր տվյալները համապատասխանեցնելու:

ԻՐԱՎԻՃԱԿ

ՀԱՏՈՒԿ ՆՎԵՐ Է ՈՒՂԱՐԿՎԵԼ ՀԱՅԱՍՏԱՆ

ԱՆՆԱ ՎԱՐԴԱՊԵՏՅԱՆԸ 2 ՀՈՒՇԱՆՎԵՐ ՍՈՒՐ Է ՄՏԱՑԵԼ

ՄԱԿՈՒՆՑԸ ՆՈՐ ՊԱՇՏՈՆԻ Է ՆՇԱՆԱԿՎԵԼ

Հայաստանի Հանրապետության վարչապետի գլխավոր խորհրդական դոկտոր Լիլիթ Մակունցը նշանակվել է Հայաստանի Ամերիկյան Համալսարանի (ՀԱՀ) Հիմնադրամի Հոգաբարձուների խորհրդում:

Նա այստեղ փոխարինելու է հանգուցյալ դոկտոր Յուրի Սարգսյանին, որը ՀԱՀ համահիմնադիրներից էր, խորհրդի անդամը եւ Հայաստանի Ազգային պոլիտեխնիկական համալսարանի նախկին ռեկտորը:

Ամերիկյան համալսարանի տարածած հաղորդագրության մեջ մասնավորապես, նշված է. «Դոկտոր Մակունցը խորհուրդ է բերում Հայաստանի պետական հատվածում ծառայության լայն փորձառություն: Նա ծառայել է որպես Մշակույթի նախարար 2018-2019 թվականներին, այնուհետև ընտրվել է Ազգային ժողովի պատգամավոր եւ դարձել «Իմ Բայրը» խորհրդարանական դաշինքի մեծամասնության ղեկավարը: 2021 թվականին նշանակվել է Հայաստանի Հանրապետության արտակարգ եւ լիազոր դեսպան Ամերիկայի Միացյալ Նահանգներում: Մակունցն ունի բանասիրական գիտությունների թեկնածուի գիտական աստիճան եւ դասավանդել է Հայ-ռուսական համալսարանում, որտեղ նրա աշխատանքը կապել է դիսկուրսի վերլուծությունը, լեզուն, սոցիոլինգվիստիկան, ճանաչողական լեզվաբանությունը եւ քաղաքական հաղորդակցությունը»:

Խոսելով իր նոր առաքելության մասին՝ Մակունցն ասել է, որ ակնկալում է օգտագործել իր փորձի այն հատվածը, որը ձեւավորել է իրեն ոչ միայն որպես պետական ծառայող, այլեւ որպես անձ:

Հիշեցնենք, որ Հայաստանի ամերիկյան համալսարանի 45 դասախոսներ եւ աշխատակիցներ 2020 թվականի հենց այսօր օրերին հայտարարություն էին տարածել, որով պահանջում են Նիկոլ Փաշինյանի հրաժարականը:

ԱՊՐԱՆՔՆԵՐԻ ԵՐՁԱՆԱՌՈՒԹՅՈՒՆ՝ ԱՐԲԵՋԱՆԻ ՀԵՏ

Հայաստանի եւ Ադրբեջանի միջեւ պետք է լինի բոլոր տեսակի ապրանքների շրջանառություն:

Այս մասին Ալեն Սիմոնյանն ասաց երեկ՝ Մարդու իրավունքների պաշտպանության միջազգային օրվա առթիվ կազմակերպված միջոցառման շրջանակներում ունեցած ճեպագրույցի ժամանակ:

«Չեմ ուզում կենտրոնանալ միայն նավթամթերքի վրա: Բոլոր տեսակի ապրանքների շրջանառություն պետք է լինի եւ մենք դրան պատրաստ ենք: «Խաղաղության խաչմերուկ»-ը եւ այն խաղաղությունը, որի վերաբերյալ խոսում ենք, հենց դրա մասին է՝ բոլոր տեսակի ապրանքների մասին է խոսքը», - ասաց Սիմոնյանը՝ համոզմունք հայտնելով, որ Հայաստանը պետք է օգտվի էներգակիրների բոլոր հնարավոր այլընտրանքներից՝ հնարավորություն տալով, որ Ադրբեջանը եւս իր շահն ու հետաքրքրությունն ունենա ՀՀ տարածքով դեպի Նախիջեւան կամ Թուրքիա նույնպես արտահանելու:

ԱՊՀ մասնակից ղեկավարների գլխավոր դասախոսների համակարգող խորհրդի 35-րդ նիստին առցանց ձեռնարկով մասնակցեցուց հետո ՀՀ Գլխավոր դասախոս Աննա Վարդապետյանի համար հստակ նվեր է ուղարկվել Հայաստան:

Նվերն ուղարկվել է տրանսպորտային միջոցով, սույն թվականի հոկտեմբերի 21-ին:

Այն արժեքել է 60 հազար դրամ: Նվերը եղել է կաշեպատ պատյաններով հուշանվեր 2 սուր:

Նվիրող կողմը եղել է Տաջիկստանի Հանրապետության գլխավոր դատախազ Հաբիբուլլո Վոխիդզոդան:

Հիշեցնենք, որ «Հանրային ծառայության մասին» օրենքի 29-րդ հոդվածում, որով սահմանված են հանրային պաշտոն զբաղեցնող անձի եւ հանրային ծառայողի կողմից նվերներ ընդունելու սահմանափակումները, նշվում է, որ հանրային պաշտոն զբաղեցնող անձանց եւ հանրային ծառայողներին թույլատրվում է ընդունել միայն հետեւյալ նվերները.

1. պետական կամ պաշտոնական այցերի կամ միջոցառումների, ինչպես նաեւ աշխատանքային այցերի, գործուղումների շրջանակներում կամ ժամանակ տրվող նվերները կամ սովորաբար կազմակերպվող հյուրասիրությունը.

2. ծառայողական օգտագործման նպատակով անվճար տրամադրվող նյութերը.

3. կրթաթոշակը, դրամաշնորհը կամ նպաստը՝ տրված հրապարակային մրցույթի արդյունքով՝ մյուս դիմորդների նկատմամբ կիրառված նույն պայմաններով եւ նույն չափանիշներով կամ թափանցիկ այլ գործընթացի արդյունքով.

ՕՐՎԱ ԽՃԱՆԿԱՐ

ԱՐՏԱՀԵՐԹ ՆԻՍՏ

ArmLur.am-ը տեղեկացավ, որ ԱԺ առողջապահության հարցերի մշտական հանձնաժողովը ղեկավարների 12-ին արտահերթ նիստ է հրավիրել:

Մենք տեղեկացանք, որ ՀՀ առողջապահության նախարար Անահիտ Ավանեսյանը կրկին ԱԺ է գալու՝ ներկայացնելու «Առողջության համընդհանուր ապահովագրության մասին» օրենքի նախագիծը, որը պետք է ներկայացվի երկրորդ ընթերցման:

Բանն այն է, որ հայրենի կառավարության առաջարկով ղեկավարների 16-ին ԱԺ-ում արտահերթ նիստ է հրավիրվել, ու Ավանեսյանը պետք է այս նախագիծը եւս ներկայացնի երկրորդ ընթերցման համար:

Հանձնաժողովում դրական եզրակացություն ստանալուց հետո նախագիծը կընդգրկվի ԱԺ օրակարգ: Նշենք, որ նախագծի հարակից գեկուցողը ԱԺ առողջապահության հարցերի մշտական հանձնաժողովի նախագահ Հռիփսիմե Հունանյանն է:

Հավելենք, որ ըստ նախագծի՝ առողջության ապահովագրության ներդրմամբ 2026 թ.-ի ընթացքում առաջին փուլով համակարգում ներառվելու են 65+ տարիքի անձինք, եւ նրանց ապահովագրավճարը փակելու է պետությունը:

Ավանեսյանը ներկայացրել էր նաեւ, որ համակարգի ներդրման այդ փուլին մասնակցության անհրաժեշտ պայմաններն են.

- 1. ՀՀ քաղաքացիություն,
- 2. 183 օրից ավելի ՀՀ-ում բնակություն (ռեզիդենտություն):
- 65 + տարիքի անձինք կստանան ապահովագրություն՝ անկախ նրանից՝



4. օտարերկրյա պետությունների, միջազգային կազմակերպությունների կամ այլ անձանց կողմից տրվող արարողակարգային նվերները:

Եթե 1-ին կամ 4-րդ կետերով նախատեսված նվերի արժեքը (բացառությամբ սովորաբար կազմակերպվող հյուրասիրությունների) գերազանցում է 60.000 դրամը, ապա այն համարվում է պետական կամ համայնքային սեփականություն: Հանրային պաշտոն զբաղեցնող անձինք եւ հանրային ծառայողները պարտավոր են սահմանված կարգով այն հանձնել պետությանը կամ համայնքին:

Բացի դրանից, հանրային պաշտոն զբաղեցնող անձը եւ հանրային ծառայողը պարտավոր են իրենց կողմից ստացված թույլատրելի նվերները հաշվառել նվերների հաշվառման ռեեստրում:

40.000 դրամը չգերազանցող արժողությամբ թույլատրելի նվերները ենթակա չեն հաշվառման՝ բացառությամբ նույն աղբյուրից 6 ամսվա ընթացքում նվերի ստացման պարբերական (5 եւ ավելի) բնույթ կրող դեպքերի:

Նվերների արժեքը գնահատվում է՝ հիմք ընդունելով այն ողջամիտ շուկայական արժեքը, որը հնարավոր է գնահատել բաց աղբյուրների միջոցով:

Հավելենք նաեւ, որ հանրային պաշտոն զբաղեցնող անձանց եւ հանրային ծառայողներին, եթե որեւէ նվեր է տրվում իրենց պաշտոնական (ծառայողական) պարտականությունների իրականացմանը վերաբերող, ապա անկախ դրա չափից, գնից, եթե անգամ այն արժե 100 դրամ, չեն կարող ընդունել:

ՀԱՄԱ ՄԻՔԱՅՆԵՐԱՆ

ա/ հաշմանդամության կամ ֆունկցիոնալության գնահատման համակարգով կարգ ունեն, թե ոչ, բ/ աշխատում են եւ ունեն եկամուտ, թե ոչ, գ/ քրոնիկ հիվանդություններ ունեն, թե ոչ դ/ սոցիալական որեւէ խոցելի խմբի մեջ ներառված են, թե ոչ:

ՍՈՆԱ ԳՐԻԳՈՐՅԱՆ

ԲԱՔՈՅԱՆԸ ԴԱՏԱՐԱՆԻ ՎՃԻՌԸ ԶԻ ԿԱՏԱՐՈՒՄ

ՀՀ սահմանադրական դատարանի աշխատակազմի նախկին ղեկավար Էդգար Ղազարյանը ֆեյսբուքյան իր էջում գրում է. «Ռուստամ Բաքոյանը հրաժարվում է կատարել Դատարանի վճիռը:

ՀՀ Ազգային ժողովի «Հայաստան» խմբակցությունը իմ դիմումով նախաձեռնել է Պատգամավորական էթիկայի հարցերով ժամանակավոր հանձնաժողովի ստեղծման գործընթացը՝ քննության առարկա դարձնելու համար ԱԺ «Քաղաքացիական պայմանագիր» խմբակցության պատգամավոր Ռուստամ Բաքոյանի վարքագիծը, որը դրսևորվել է ոչ միայն Ազգային ժողովի Մարդու իրավունքների պաշտպանության եւ հանրային հարցերի մշտական հանձնաժողովի նիստում՝ Մարդու իրավունքների պաշտպանի թեկնածուների քննարկման ժամանակ դրսևորած պահվածքով, այլեւ այդ կապակցությամբ Դատարանի կողմից կայացված օրինակ ուժի մեջ մտած վճիռը չկատարելու հանգամանքով, որի կապակցությամբ եւս հաղորդում եմ ներկայացրել ՀՀ գլխավոր դատա-

խազին եւ Ազգային ժողովի երեք խմբակցություններին: Ազգային ժողովի «Պատիվ ունեմ» խմբակցությունը պատրաստակամություն է հայտնել աջակցելու էթիկայի հարցերով հանձնաժողովի ստեղծման գործընթացին»:

ԵՐԿՆՈՂՄ ԳՈՐԾԸՆԿԵՐՈՒԹՅՈՒՆ

Իրանի արտաքին գործերի նախարար Աբբաս Արադջին ընդունել է Հայաստանում Իրանի նորանշանակ դեսպան Խալիլ Շիրոզլամիին՝ նախքան նրա Երեւան մեկնելը:

Այս մասին հայտնում է IRNA գործակալությունը:

Հանդիպման ընթացքում նախարարն ընդգծել է Իրանի եւ Հայաստանի միջեւ տարբեր ոլորտներում համագործակցությունն ամրապնդելու համար բոլոր հնարավորությունների օգտագործման անհրաժեշտությունը:

Դեսպանը ներկայացրել է իր ծրագրերը՝ բարիդրացիական քաղաքականության շրջանակներում երկու հարեւանների միջեւ հարաբերությունները ամրապնդելու վերաբերյալ:

Հաջողություն մաղթելով նոր դեսպանին՝ Արադջին Իրանի եւ Հայաստանի միջեւ հարաբերությունները որակել է քաղաքակրթական եւ պատմական:

Նախքան Հայաստանում Իրանի դեսպան նշանակվելը Շիրոզլամին զբաղեցրել է Իրանի արտաքին գործերի նախարարության Քաղաքական եւ միջազգային հետազոտությունների կենտրոնի ղեկավարի՝ հետազոտությունների եւ ուսումնասիրությունների գծով տեղակալի պաշտոնը:

ԻՐԱՎԱԿԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՐՈՒԹՅԱՆ ԿԵՆՏՐՈՆԻ ՄԱՍԻՆ

ԱՐԴԱՐԱԴԱՐՈՒԹՅԱՆ ՀԱՅ ԳԵՐԻՆԵՐԻ ՎԻՃԱԿԻ ՄԱՍԻՆ ԿԱՐՈՂ Է ԿԵՂԾ ՏԵՂԵԿՈՒԹՅՈՒՆ ՏՄԸ

Կարմիր Խաչի միջազգային կոմիտեի Բաֆվի գրասենյակը դադարեցնում է իր գործունեությունը: «Միջազգային եւ համեմատական իրավունքի կենտրոն» ղեկավար, ՄԻԵԳ-ում հայ գերինների բաժնի մեղակայացուցիչ, իրավա-դատական Միքայել Մահակյանը հայտնել էր, որ այս սարկա սեղաններից Կարմիր խաչը այլևս ներկայություն չի ունենալու Ադրբեջանում: ArmLur.am-ը գերինների առողջական վիճակի, նրանց եւ հարազատների միջին կադրի հնարավորության մասին գրուցել է Միքայել Մահակյանի հետ:

-Տիկին Մահակյան, Ադրբեջանում Կարմիր խաչի միջազգային կոմիտեի գործունեության դադարեցման մասին լուրերը հաստատվեցին: Այժմ ինչպե՞ս է կազմակերպվելու հայ գերինների եւ նրանց ընտանիքների միջին կադր:

-Այս պահին առկա է միայն հեռախոսային կապ, որը ապահովում է ադրբեջանական կողմը՝ իր քրեակատարողական հիմնարկների աշխատակիցների միջոցով: Սակայն նամակագրությունը, փոխանցումները, ինչպես նաեւ հանձնումներ ուղարկելու հնարավորությունը, որոնք նախկինում իրականացվում էին Կարմիր խաչի միջոցով, լիովին բացառվել են:

Ամենակարևոր խնդիրը այն է, որ գերիններն այսօր գրկված են արտաքին աշխարհի հետ անմիջական շփումներից: Միջազգային վերահսկողությունը նրանց պայմանների, հոգեբանական վիճակի, հիգիենիկ պայմանների, սննդի եւ այլնի վերաբերյալ ուղղակի բացակայում է. սա մեծ ռիսկեր է ստեղծում: Եթե գերինները խոշտանգվեն կամ բռնության ենթարկվեն, այդ բոլոր դեպքերը կմասնաջատարվեն ու չպատժվեն:

-Այժմ նրանց առողջական վիճակի վերաբերյալ տեղեկություններ չունե՞ք:



-Վերջին տուգելի տեղեկությունները Վիզեն Էուլքեքչյանի մասին են: Հեռախոսագրանցի ընթացքում նա կնոջը հայտնել էր իր ծայրահեղ ծանր վիճակի մասին: Քանի որ խոսակցությունը ծայրագրվել էր, տեղեկատվությունը ստուգելի էր: Նա հայտնել էր, որ գրկված է սննդից, առողջական վիճակը ծանր է, ձեռք է բերել հաշմանդամություն, իսկ համապատասխան պայմաններ կամ անհրաժեշտ սարքավորումներ պարզապես ստեղծված չեն:

-ՄԻԵԳ-ն ամիսներ առաջ որոշում էր կայացրել տեղեկատվության տրամադրման վերաբերյալ: Ի՞նչ փուլում է այս գործընթացը:

-ՄԻԵԳ-ը տեղեկատվություն է պահանջել Ադրբեջանի կառավարությունից՝ թե՛ միջադեպի, թե՛ անհատական գործերով: Ադրբեջանը խնդրել է ժամկետի երկարաձգում, դատարանը լրացուցիչ ժամանակ է տվել, որը արդեն սպառվել է: Մինչ այս պահը որեւէ տեղեկություն չենք ստացել եւ սպասում ենք դատարանի նամակագրությանը:

մանակ է տվել, որը արդեն սպառվել է: Մինչ այս պահը որեւէ տեղեկություն չենք ստացել եւ սպասում ենք դատարանի նամակագրությանը:

-Անկախում եք, որ Ադրբեջանը կներկայացնի այդ տվյալները, թե՛ կրկին կձգձգի գործընթացը:

-Կարծում եմ՝ նրանք կփորձեն որքան հնարավոր է երկար ձգձգել, բայց վերջում, հավանաբար, կտրամադրեն նվազագույն տեղեկատվություն՝ պարզապես ՄԻԵԳ-ի պահանջը ձեռնամուխ դնելու համար: Սակայն փորձը ցույց է տալիս, որ այդ տեղեկությունները հաճախ կեղծված են: Ադրբեջանը կազմակերպում է միայն անունով «զննություններ», որոնցով փորձում է ներկայացնել, թե գերինների առողջական վիճակը նորմալ է, մինչդեռ իրական պատկերը լրիվ այլ է:

Ջրուցեց ՀՄՄԱ ՄԻՔԱՅԵԼՅԱՆԸ

ՔՐԵԱԿԱՆ ՔՐՈՆԻԿՈՆ

ՆԱԽԱՔՆՆՈՒԹՅՈՒՆՆ ԱՎԱՐՏՎԵԼ Է

ՀՀ քննչական կոմիտեի հատկապես կարևոր գործերի քննության գլխավոր վարչության մարդու ղեմ ուղղված հանցագործությունների քննության վարչությունում քննվող քրեական վարույթի նախաքննության ընթացքում առերեսվող փաստական տվյալներ են ձեռք բերվել այն մասին, որ 2024 թվականի հունվարի 31-ին է.Հ.-ի եւ Ա.Կ.-ի միջին դպրոցում տեղի ունեցած լեզվակռուցից հետո է.Հ.-ի հայրը որոշել է արարքի համար պատժել Ա.Կ.-ին:

Նախաքննության ընթացքում պարզվել է, որ է.Հ.-ի հայրը՝ Ա.Հ.-ն երկու անձի հետ այցելել է Ա.Կ.-ի բնակարան, որտեղ վերջիններս, լրացնելով մեղք մյուսի գործողությունները, ձեռքբերով եւ ոտքերով հարվածներ են հասցրել Ա.Կ.-ի մարմնի տարբեր մասերին եւ հայիտյանքներ հնչեցրել:

Այնուհետեւ, հետազայում իրենց գործողությունները որպես հանգիստ խոսակցություն ներկայացնելու նպատակով՝ Ա.Հ.-ն նաեւ դատախազական բնույթի խոսակցություն է ունեցել Ա.Կ.-ի հետ, որի ընթացքում պարտադրել է նրան՝ ներողություն խնդրել է.Հ.-ից:

Վերոգրյալ գործողությունների հետեւանքով, Ա.Կ.-ին պատճառվել է հոգեկան ուժեղ տառապանք:

Նախաքննության ընթացքում երկու անձի նկատմամբ հարուցվել է հանրային քրեական հետապնդում՝ Քրեական օրենսգրքի 196-րդ հոդվածի 2-րդ մասի 3-րդ եւ 5-րդ կետերով (մի խումբ անձանց կողմից անչափահասի նկատմամբ ֆիզիկական ուժեղ ցավ կամ հոգեկան ուժեղ տառապանք պատճառելը), իսկ մեկ անձի նկատմամբ՝ 196-րդ հոդվածի 2-րդ մասի 3-րդ կետով (անչափահասի նկատմամբ ֆիզիկական ուժեղ ցավ կամ հոգեկան ուժեղ տառապանք պատճառելը):

Քրեական վարույթը մեղադրական եզրակացությամբ ուղարկվել է հսկող դատախազին՝ այն հաստատելու եւ ըստ էության քննության առնելու համար դատարան ուղարկելու միջնորդությամբ:

ՀԵՏԱԽՈՒԶՎՈՂԸ ՉԵՐԲԱԿԱՎԵՑ

Դեկտեմբերի 9-ին՝ ժամը 2:30-ին Համայնքային ոստիկանության «Զվարթնոց» օդանավակայանի բաժնի ծառայողների ձեռնարկած օպերատիվ-հետախուզական միջոցառումների շնորհիվ, չվերթի հաշվառումից հետո ձերբակալվել է օտարերկրյա քաղաքացի 35-ամյա տղամարդ:

Այս տարվա փետրվարի 4-ից խարդախության մեղադրանքով նա հետախուզվում էր Իրանի Իսլամական Հանրապետության Կոմիտեի կողմից:

Սղամարդու նկատմամբ խափանման միջոց է ընտրվել կալանքը: Նրա հայտնաբերման մասին տեղեկացվել է Հայաստանում Ինտերպոլի ազգային կենտրոնական բյուրոյին:

ԹՄՐԱՆՅՈՒԹԻ ԻՐԱՅՈՒՄ

Համայնքային ոստիկանության Մալաթիայի բաժնի ծառայողները ձեռնարկած միջոցառումների արդյունքում դեկտեմբերի 6-ի գիշերը՝ ժամը 3-ի սահմաններում, Հարավարեւմտյան Բ-2 թաղամասի շենքերից մեկի մոտ հայտնաբերել, թմրամիջոց իրացնելու կասկածանքով Ոստիկանության Գվարդիայի գործընկերների հետ համատեղ ձերբակալել եւ բաժին են տեղափոխել Երեւանի բնակիչ 17-ամյա երկու աղջիկների:

Անձնական խուզարկությամբ նրանց մոտ հայտնաբերվել է 64 փաթեթ՝ ընդհանուր 61,19 գրամ քաշով: Պարզվել է, որ նրանք 16 փաթեթ արդեն տեղադրել էին Շենգավիթ եւ Մալաթիա-Սեբաստիա վարչական շրջաններում:

Կազմված փաստաթղթերը եւ ձերբակալվածները ներկայացվել են նախաքննական մարմին:

ԲԱՑԱՅԱՅՏՈՒՄՆԵՐ

ՕՊԵՐԱՏԻՎ ԻՐԱՎԻՃԱԿ

Դեկտեմբերի 9-10-ը հանրապետությունում բացահայտվել է 116 հանցագործություն, որոնցից 6-ը՝ նախկինում կատարված:

Մասնավորապես՝ 38 դեպք՝ տրանսպորտային միջոց վարելու իրավունքից զրկված կամ այդ իրավունքը կասեցված կամ այդ իրավունքը չունեցող անձի կողմից տրանսպորտային միջոց վարելու,

11-ական դեպք՝ ֆիզիկական ներգործության, խարդախության,

7 դեպք՝ անձնական ունեցվածքի գողության,

6 դեպք՝ հոգեկան ներգործության,

5-ական դեպք՝ մարմնական վնասվածք պատճառելու, թմրանյութի հայտնաբերման,

3-ական դեպք՝ գույքը ոչնչացնելու կամ վնասելու, անվտանգության պահանջներին չհամապատասխանող հումքերի կամ ապրանքների շրջանառության, աշխատանքների կատարման կամ ծառայությունների մատուցման,

2-ական դեպք՝ ավտոմեքենայի գողության, խուլիգանության, բուժաշխատողների կողմից մասնագիտական պարտականությունները չկատարելու, հրագների, դրա հիմնական բաղադրուցիչ մասերի, ռազմամթերքի եւ այլ նյութերի, սարքերի, առարկաների ապօրինի շրջանառության, հետամտելու, բնակարանի անձեռնմխելիությունը խախտելու եւ այլ դեպքեր:

Բացահայտվել է շորթման, թմրանյութի իրացման, փաստաթղթեր, դրոշմներ, կնիքներ կամ տրանսպորտային միջոցների պետհամարանիշներ հափշտակելու, շորթելու, ոչնչացնելու, վնասելու կամ թաքցնելու, սառը զենք կրելու եւ այլ դեպքեր:

Նախկինում կատարված հանցագործություններից բացահայտվել է 2 դեպք՝ անձնական ունեցվածքի գողության:

1-ական դեպք՝ սպանության փորձի, համակարգչային հափշտակության, խարդախության, կողոպուտի:

Հայտնաբերվել է 12 հետախուզվող, կամավոր ներկայացվել 2-ը:

Հայտնաբերվել է 1 անհետ կորած: Գրանցվել է զենք-զինամթերք կամավոր հանձնելու 1 դեպք:

ԶԵՆՔ-ԶԻՆԱՄԹԵՐԸ

Գեղարքունիքի մարզի պարեկները Երեւան-Սեւան-Իջեւան ճանապարհի 58-րդ կմ-ին ստուգման նպատակով կանգնեցրել են «Նիսան» մակնիշի մի մեքենա: Ստուգման ընթացքում վարորդը գրպանից փաթեթներ է նետել: Նա ձերբակալվել է: Տավուշի մարզի Կողբ գյուղի բնակիչ 34-ամյա վարորդը տեղափոխվել է Համայնքային ոստիկանության Սեւանի բաժին: Նրա անձնական խուզարկությամբ հայտնաբերվել է մոխրացած հետքերով գլանակ, ինչպես նաեւ ոտքին ամրացված է եղել վարչական հսկողության սարք:

Նախաձեռնվել է քրեական վարույթ: Դեպքի վայրում կատարված զննությամբ հայտնաբերվել են ատրճանակ՝ լիցքավորված 3 փամփուշտով, սպիտակ գույնի բյուրեղաման, բուսական եւ մուգ գույնի փոշեման գանգվածներով փաթեթներ ու 11 դեղահաբ:

Կողբ գյուղի 34-ամյա բնակիչը կազմված փաստաթղթերի հետ ներկայացվել է նախաքննական մարմին:

● Ըստ ոստիկանության տվյալների՝ դեկտեմբերի 9-ից 10-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 116 դեպք, որից 6-ը՝ նախկինում կատարված:

ՄԱՐԶ

ՄԱՐԶՊԵՏԸ
ՉԻ ՀԱՅՏՆԵԼ
ԹԱՓՈՒՐ
ՀԱՍՏԻՔՆԵՐԻ ԹԻՎԸ

Դեկտեմբերի 1-ին Տավուշի մարզպետ Յայկ Ղալոմյանին մեր թղթակիցը տեղեկատվական հետեւյալ հարցումն է կատարել. «Դեկտեմբերի 1-ի դրությամբ Տավուշի մարզպետի աշխատակազմի ենթակայությամբ գործող հանրակրթական դպրոցներում քանի՞ թափուր հաստիք կա, ի՞նչ հաստիքներ են դրանք, ի՞նչ է արվում դրանք լրացնելու համար: Դեկտեմբերի 1-ի դրությամբ Տավուշի մարզպետի աշխատակազմի ենթակայության դպրոցներում առկա ուսուցչի թափուր տեղերի մրցույթների հայտարարությունները տեղադրվում են 33 Տավուշի մարզպետի աշխատակազմի եւ ԿԳՄՍ նախարարության պաշտոնական կայքերում: Դրանք լրացվում են սահմանված կարգով / ԿԳՄՍ նախարարի 18.02.2021թ. Ն-22 հրաման/: Բժշկական կազմակերպությունների, այդ թվում՝ նաեւ 33 Տավուշի մարզպետի աշխատակազմի ենթակայության հիմնարկների թափուր հաստիքների վերաբերյալ տեղեկատվությունը տեղադրվում է 33 առողջապահության նախարարության կայքէջում»:

Անհասկանալի է, թե Տավուշի մարզպետն ինչու է խուսափել մարզպետարանի ենթակայությամբ գործող հանրակրթական դպրոցներում եւ առողջապահական հիմնարկներում առկա թափուր աշխատատեղերի մասին տեղեկատվությունը հայտնելուց: Մարզպետի աշխատակազմն անմիջականորեն միայն այդ 2 ոլորտներն է կառավարում, այն էլ համատեղ՝ կրթության, գիտության, մշակույթի եւ սպորտի նախարարության եւ առողջապահության նախարարության հետ: Տավուշի մարզպետարանի ինտերնետային կայքի հայտարարությունների բաժնում 2025 թվականին վերաբերող հայտարարություններ կան միայն Դեղձավանի հիմնական դպրոցում «Մաթեմատիկա» առարկայի (10 դասաժամ), Բերդավանի միջնակարգ դպրոցում «Հայոց լեզու եւ գրականություն» առարկայի (22 դասաժամ) եւ Վերին Ծաղկավանի միջնակարգ դպրոցում 6 առարկաների ուսուցիչների թափուր տեղերի մասին: Մարզպետի աշխատակազմի ինտերնետային կայքում տվյալներ չկան մարզի հանրակրթական դպրոցներում ուսուցիչների թափուր տեղերը զբաղեցնելու մրցույթների արդյունքների, ուսուցիչների թափուր տեղերը այդ կերպ համալրելու վերաբերյալ: Մեր թղթակիցը Տավուշի մարզպետարանից տեղեկացել է, որ մարզպետի աշխատակազմի ենթակայությամբ գործող 76 հանրակրթական դպրոցներից 16 տնօրենի հաստիքը ներկայումս թափուր է. կարելի է ենթադրել, որ այդ դպրոցներում ուսուցիչների թափուր հաստիքները շատ ավելի են: Թափուր հաստիքներ կան նաեւ Տավուշի գյուղերի առողջապահական հիմնարկներում:

ՈՍԿԱՆ ՍԱՐԳՍՅԱՆ
Տավուշ

ՀԱՍԱՐԱԿՈՒԹՅՈՒՆ

ՆԱԽԱՏՈՆԱԿԱՆ ՊԵՏԱԿԱՆ ԾԱԽՍԵՐԸ

3,2 ՄԼՆ ԴՐԱՄ՝ ԱՄԱՆՈՐՅԱ ԶԱՐԴԱՐԱՆՔՆԵՐԻ ՀԱՄԱՐ

Ամանորը մոտենում է եւ ամանորյա ղեռակալ գնումները ակտիվանում են: Սեւանի համայնքապետարանը ամանորյա տոնածառի տեղադրման եւ հարակից սարածֆի զարդարման ծառայությունների համար 3 մլն 200 հազար դրամ արժողությամբ ղայմանագիր է կնքել «Ռիկոլ-Էդգա» ՍՊԸ-ի հետ:

Պայմանագրով սահմանված է հետեւյալը.

«Սեւանի համայնքապետարանի հարակից տարածքում նախօրոք պետք է հավաքել բեմ եւ դրա վրա տեղադրել 7 մետր բարձրությամբ ամանորյա տոնածառ, այն զարդարել լույսերով եւ ամանորյա խաղալիքներով: Բեմը, համայնքապետարանի շենքի ճակատային մասը եւ հրապարակի աջ եւ ձախ կողմերը զարդարել ամանորյա լույսերով, լուսային էֆեկտներով, ամանորյա խաղալիքներով:

Տոնածառի եւ հարակից տարածքի զարդարման ոճը, օգտագործվելիք լույսերը, լուսային էֆեկտները կատարել պատվիրատուի էսքիզներով», - ասվում է պայմանագրում:

Ամանորյա զարդարման համար անհրաժեշտ տոնածառի բոլոր մետաղական կոնստրուկցիաները, զարդանախշերը, լուսային էֆեկտները, խաղալիքները եւ լույսերը պայմանագրի կատարողն ինքն է ձեռք բերելու:

Պայմանագրում ներառված է նաեւ տոնակատարություններից հետո գույքի հավաքումն ու հանձնումը Սեւանի համայնքապետարանի տնօրինմանը»:



Հետաքրքիրն այն է, որ այս ընկերությունը մասնակցություն ունի միայն Սեւանի համայնքապետարանի գնումներին, եւ միայն այս տարի է, որ մեկ անգամ պայմանագիր է կնքել «Սպորտի կառավարման կենտրոն» ՓԲԸ-ի հետ: Ընկերության իրական շահառուն եւ 100 տոկոս բաժնետերը Կորյուն Աբրահամ-

յանն է, իսկ ընկերությունը հիմնվել է 2010 թվականին:

Նմանատիպ ծառայությունը որոշ դեպքերում կրկնվել է նաեւ Նախորդ տարի, համաձայն բնութագրի, սակայն, այդ պայմանագիրն արժեցել է 2,5 մլն դրամ:

ԷՄՍԱ
ՍԻՔԱՅԵԼՅԱՆ

ՍՈՑԻԱԼԱԿԱՆ-ՔԱՂԱՔԱԿԱՆ

ՆԱԽԱՐԱՐԸ՝
ՀԱՄԱՃԱՐԱԿԱԲԱՆԱԿԱՆ
ԻՐԱՎԻՃԱՆԻ ՄԱՍԻՆ

Սուր շնչառական վարակներով պայմանավորված՝ 33 առողջապահության նախարարությունն իրականացնում է հիվանդացության, առողջության առաջնային պահպանման հաստատություններ ու շտապօգնություն դիմելիության աճի, ինչպես նաեւ մանկապարտեզներում ու դպրոցներում բացակայությունների թվի ամենօրյա մոնիթորինգ:

Այս մասին Նշել է 33 առողջապահության նախարար Անահիտ Ավանեսյանը՝ «Ֆեյսբուք»-ի իր էջում հրապարակած տեսանյութում անդրադառնալով սուր շնչառական վարակներով պայմանավորված իրավիճակին ու ուսումնական գործընթացի կազմակերպմանը:

«Ընդհանուր դպրոցների կամ մանկապարտեզների դասապրոցները կանգնեցնելու իրավիճակ չունենք, սակայն մենք ունենք աշխատանքի շատ հստակ մեթոդ ու գծագրված մեխանիզմ. այն դասարանները, որտեղ բացակայությունների թիվը 20 տոկոսից ավելի է, կարող են անցնել հեռավար ուսուցման: Մենք կրթության գործընկերների հետ ամենօրյա կապի մեջ ենք, եւ այս հետմոնիթորինգի արդյունքներով դասարաններն ինքնուրույն կարող են անցնել հեռավար դասապրոցների, որ մի կողմից պաշտպանենք մեր երեխաների առողջությունը, մյուս կողմից հնարավորություն տանք, որպեսզի վարակի ցուցանիշները նվա-

զեն այդ դպրոցներում, բայց մյուս կողմից էլ՝ ընդհանուր հանրապետությունում չխաթարենք դասապրոցները», - ընդգծել է նախարարը՝ հավելելով, որ համաճարակաբանական իրավիճակին համապատասխան գործիքները կիրառվում են ըստ ցուցման:

Ավանեսյանը հավաստիացրել է, որ ընդհանուր դասապրոցների վերաբերյալ որոշում պահանջող համաճարակաբանական իրավիճակի առկայության դեպքում այն կկայացվի:

Նախարարը համապատասխան ախտանշաններ չունեցող քաղաքացիներին կրկին կոչ է արել օր առաջ պատվաստվել սուր շնչառական վարակների դեմ:

ՄԱՄՎԵԼ
ԿԱՐԱՊԵՏՅԱՆԸ
ԵՆԹԱՐԿՎՈՒՄ Է
ՔԱՂԱՔԱԿԱՆ
ՀԵՏԱՊՆԴՄԱՆ

«Մարդու իրավունքների օր, եւ Հայաստանում մարդու իրավունքների իրական վիճակը: Նոր քրեական դատավարության օրենսգրքի ընդունում, նոր խափանման միջոցների նման ծավալի նախատեսում, սակայն հանրային հնչեղություն ունեցող բոլոր գործերով բացառապես կալանքի կիրառում»: Այս մասին «Ֆեյսբուք»-ի իր էջում գրել է փաստաբան Արամ Վարդեանյանը:

«Հենց այս հանրային տվյալները հստակ են դարձնում, որ Հայաստանում կալանքը չի հանդիսանում խափանման միջոց, կալանքը չի վերաբերում անձի պատշաճ վարքագծի ռիսկերի գսպմանը, այլ բացառապես ռեպրեսիվ, ավտորիտար գործիք է: Ազգային բարերար Սամվել Կարապետյանը 2025 թվականի հունիսի 18-ից ակնհայտորեն ապօրինի կալանավորված է: Վերաքննիչ հակառուսացիոն դատարանի դատավոր Ժ. Մելիքսեյանի կողմից գրավոր ընթացակարգով քննության է առնվում մեր կողմից ներկայացված բողոքները եւ հենց այսօր լրանում է գրավոր դիրքորոշումներ ներկայացնելու ժամկետը, իսկ դեկտեմբերի 11-ին դատարանի կողմից պետք է կայացվի դատական ակտը: Այս ժամանակահատվածում մի շարք լրացուցիչ գրավոր բացատրություններ եւ դիրքորոշումներ ներկայացվել են Վերաքննիչ դատարան, որոնք հերքում են որեւէ ձեռով կալանքի պահպանման իրավական հնարավորությունը:

Իրավական տեսանկյունից անհերքելի փաստ է, որ Սամվել Կարապետյանը ենթարկվում է ամենախնդրեցիկ քաղաքական հետապնդման, շուրջ վեց ամիս ապօրինի կալանավորված է, եւ այս ողջ ժամանակահատվածում զրկված է նույնիսկ արդար դատաքննության նվազագույն երաշխիքներից: Նշվածի փաստացի ոչ իրավական հիմքերն արտացոլված են ֆեյսբուքյան արդարադատության տիրույթում 2025 թվականի հունիսի 17-ին գործադիր իշխանության ղեկավարի գրառումներում» - գրել է փաստաբանը:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 15 պատահար, 19 մարդ ստացել է տարբեր աստիճանի մարմնական վնասվածքներ:

ՏՆՏԵՍՈՒԹՅՈՒՆ

ԱՐԳԵԼԵԼ ԵՆ ՕԳՏՎԵԼ ՍՈՑՑԱՆՑԵՐԻՑ

Ավստրալիայում ուժի մեջ է մտել օրենք, ըստ որի՝ 16 տարեկանից փոքր անձանց արգելվում է մուտք գործել սոցիալական ցանցեր:

Երկրի ինտերնետ-կարգավորողի (eSafety) հայտարարության մեջ նշված է, որ դեկտեմբերի 10-ից Ավստրալիայում գործող սոցիալական ցանցերը պարտավոր են ապահովել 16 տարեկանից փոքր անձանց անհատական տվյալների և դեռահասների օգտահաշիվները:

«Այսօրվանից սոցիալական ցանցերում գործում են սահմանափակումներ. օգտահաշիվ ունենալու համար տարիքը պետք է լինի 16 եւ ավելին: Դա զարգացման կարեւոր փուլում կապահովի պատանի ավստրալացիների համացանցային անվտանգությունը», - ասվում է կարգավորողի հայտարարության մեջ:

eSafety-ն պարզաբանել է, որ արգելքը վերաբերում է Facebook-ին, Instagram-ին, Kick-ին, Reddit-ին, Snapchat-ին, Threads-ին, TikTok-ին, Twitch-ին, X-ին եւ YouTube-ին:

«Նրանք պարտավոր կլինեն ձեռնարկելու ողջամիտ քայլեր՝ 16 տարեկանից փոքր ավստրալացիներին արգելելու՝ ունենալ օգտահաշիվներ իրենց հարթակներում, սակայն երեխաներն ու դեռահասները նախկինի նման կկարողանան դիտել հանրային հասանելի կոնտենտը սոցիալական ցանցերում, որի համար գրանցում չի պահանջում օգտահաշիվ», - նշել է կարգավորող մարմինը՝ ընդգծելով, որ պատանիները նաեւ կկարողանան կապի մեջ մնալ ընկերների հետ՝ օգտագործելով օգտահաշիվները հաղորդագրությունների փոխանակման հավելվածներում եւ առանց տարիքային սահմանափակման հարթակներում:

ՆՈՐ ՊԱՏԺԱՄԻՋՈՑՆԵՐ

ԵՄ-ի անդամ երկրների մշտական ներկայացուցիչները համաձայնեցրել են Ռուսաստանի դեմ Նոր պատժամիջոցների սահմանումը: Այդ մասին դեկտեմբերի 10-ին հաղորդել են Եվրոպական լրատվամիջոցները:

Նրանց տվյալներով, մասնավորապես պլանավորվում է սահմանափակումներ մտցնել Ռուսաստանից նավթի փոխադրման հետ կապված ինը ֆիզիկական եւ իրավաբանական անձանց նկատմամբ: Բացի այդ, պատժամիջոցների ցուցակում կընդգրկվի եւս 43 նավ:

Եվրոպական ՋԼՄ-ների տվյալներով՝ պատժամիջոցները, ի թիվս այլ բաների, կվերաբերեն «Վալդայ» ըննարկումների ակումբին:

ԵՄ-ի մշտական ներկայացուցիչների կողմից պատժամիջոցները հաստատվելուց հետո դրանց պետք է հավանություն տրվի ԵՄ-ի ավելի բարձր մակարդակով:

ՀԱՅՏԱՐԱՐՈՒԹՅՈՒՆ

Կորել է Նարե Գրիգորի Ստեփանյանի դիպլոմը՝ տրված ՀԱՄԻՆԻ կողմից 2016 թվականին:

Դիպլոմի սերիան եւ համարը՝ AB227720: Համարել անվավեր:

«ՅՈՒՆԻԲԱՆԿ»

ԲԱՆԿԸ՝ ԲԱՆԿԻՐՆԵՐԻ ԱՍՈՑԻԱՑԻԱՅԻ (BAFT) ԱՆԴԱՍ

«Յունիբանկն» անդամակցել է ֆինանսավորման եւ առևտրի հարցերով բանկիրների ասոցիացիային (Bankers Association for Finance and Trade): BAFT-ին միանալով՝ «Յունիբանկն» ամրադնդում է իր հանձնառությունը միջազգային ծառայությունների զարգացման գործում, ներառյալ՝ առևտրի ֆինանսավորումը, վճարային լուծումները եւ միջազգային փոխանցումները: Անդամակցությունը թույլ է տալիս բանկին դառնալ խոշորագույն միջազգային համայնքի մաս, մասնակցել որոշի առաջնական ձեռնարկող ռազմավարական բնագավառներին, նաեւ իր ներդրումն ունենալ համաեվրոպային առաջատար փորձի զարգացման գործում:

«Մենք ուրախ ենք միանալ BAFT-ին եւ ամրապնդել մեր գլոբալ ներկայությունը՝ շարունակելով բարձր մակարդակով բավարարել մեր հաճախորդների աճող պահանջարկները եւ մատուցելով նրանց առաջատար ֆինանսական լուծումներ: Այս անդամակցությունն արտացոլում է միջազգային համագործակցությունն ընդլայնելու մեր շարունակական հանձնառությունը՝ կենտրոնանալով այնպիսի հիմնական ոլորտների վրա, ինչպիսիք են առևտրի ֆինանսավորումը, համապատասխանությունը, թվայնացումը եւ վճարային համակարգերը», - նշեց «Յունիբանկի» վարչության նախագահ Մետոյա Հակոբյանը:

«Մենք ուրախ ենք ողջունել «Յունիբանկին»՝ որպես BAFT-ի նոր հայաստանյան անդամ, որը միացավ ավելի քան 65 երկրներում գործող 270 հաս-



տատություններից բաղկացած մեր աճող համայնքին: Մենք անհամբեր սպասում ենք «Յունիբանկի» ակտիվ մասնակցությանը մեր հանձնաժողովների եւ ոլորտային նախաձեռնությունների աշխատանքներին», - ասաց BAFT-ի նախագահ եւ գործադիր տնօրեն Թոդ Բարվելը:

BAFT-ին անդամակցությունը բացում է փորձի փոխանակման, կրթական ռեսուրսներին, վերլուծական նյութերին եւ փորձագիտական գիտելիքներին հասանելիության լայն հնարավորություններ, ինչպես նաեւ նպաստում է դիրքերի ամրապնդմանը համաշխարհային ֆինանսական համայնքում:

ՏԵՂԵԿԱՏՎՈՒԹՅՈՒՆ

ՀԱՐՎԱԾՆԵՐ ԼԱՏԻՆԱԿԱՆ ԱՄԵՐԻԿԱՅԻ ԹՄՐԱՎԱՃԱՌՆԵՐԻՆ

Ամերիկայի Միացյալ Նահանգների նախագահ Դոնալդ Թրամփը հաստատել է, որ չի հրաժարվում Լատինական Ամերիկայի ցամաքային տարածքներում թմրանյութերի ապօրինի շրջանառության դեմ պայքարի ծրագրերից:

«Եվ հիմա մենք դա անելու ենք ցամաքում: Որովհետեւ ցամաքում դա ավելի հեշտ է», - ասել է Թրամփը՝ Փենսիլվանիայում տնտեսության մասին ելույթի ժամանակ:

Նա հիշեցրել է, որ «յուրաքանչյուր կրակի տակ ընկնող նավի դիմաց մենք 20,000 ամերիկացու կյանք ենք փրկում»:

Ամերիկայի Միացյալ Նահանգների նախագահը նաեւ հայտարարել է, որ Կարիբյան ավազանում նավերին հարվածող հրթիռային համակարգը նույնպես ուղղված է Սոմալիի դեմ:

«Մենք նույն համակարգն ունենք Սոմալիի դեմ», - ասել է Թրամփը:

Նա նշել է, որ եթե Սոմալիի բնակիչները ցանկանան «հարձակվել մեր նավերի վրա», ԱՄՆ-ն կօգտագործի այս հրթիռային համակարգը:

Ամերիկացի առաջնորդը Սոմալիի անվանել է «աշխարհի ամենավատ երկիրը»՝ պնդելով, որ «նրանք ոչ բանակ ունեն» եւ ոչ էլ խորհրդարան:

«Նրանք չգիտեն, թե ինչ է նշանակում խորհրդարան: Նրանք ոչինչ չունեն: Նրանք ուստիկանություն չունեն: Նրանք իրենք են ուստիկանություն պահում: Նրանք անընդհատ միմյանց են սպանում», - հավելել է Թրամփը:

Ավելի վաղ Ամերիկայի Միացյալ Նահանգների նախագահին արդեն հայտարարել էր, որ երկիրը պատրաստ է շուտով սկսել հարվածներ հասցնել այն թմրավաճառներին, որոնք թմրանյութեր են մատակարարում ԱՄՆ, ոչ միայն ծովում, այլեւ ցամաքում:

«Այդ մարդիկ անցյալ տարի ավելի քան 200 հազար մարդու են սպանել, բայց այժմ այդ թվերը զգալիորեն ցածր են: Եվ դրանք ցածր են, որովհետեւ մենք հասցնում ենք այդ հարվածները (ծովում) եւ մենք դրանք կհասցնենք նաեւ ցամաքում», - ասել է Թրամփը կառավարության կաբինետի նիստում դեկտեմբերի 2-ին:

40 ՄԼՆ ԱՄՆ ԴՈԼԱՐ՝ ՄՓՄՁ-ՆԵՐԻՆ. «ԱԿԲԱ» ԲԱՆԿ

«Ակբա» բանկը Վերակառուցման եւ զարգացման Եվրոպական բանկի (EBRD) հետ համագործակցությամբ Հայաստանում մեկնարկում է երիտասարդների կողմից հիմնված բիզնեսների ֆինանսավորման առաջին նպատակային ծրագիրը:

Ծրագրի շրջանակում «Ակբա» բանկը 40 մլն ԱՄՆ դոլարին համարժեք ՀՀ դրամ կուղղի երիտասարդ ձեռնարկների կողմից ղեկավարվող միկրո, փոքր եւ միջին ձեռնարկություններին:

Տեղական արժույթով ֆինանսավորման հնարավորությունը երիտասարդ ձեռնարկներին թույլ կտա խուսափել արտարժույթի տատանման ռիսկերից եւ ներդրումները կատարել ավելի կանխատեսելի միջավայրում: Բացի ֆինանսավորումից, երիտասարդ ձեռնարկներին կտրամադրվեն նաեւ խորհրդատվական ծառայություններ՝ ուղղված մրցունակության բարձրացմանը, թվային գործիքների կիրառմանը եւ բիզնեսների երկարաժամկետ կայունությանը:

Ֆինանսավորման նոր հնարավորությունը նախատեսված է ինչպես Երեւանում, այնպես էլ մարզերում գործող երիտասարդ ձեռնարկների համար:

Եվրոպական միությունն այս ծրագրին աջակցում է Եվրոպական կայուն զարգացման հիմնադրամի (EFSD+) միջոցով, որը ստանձնում է ֆինանսական հնարավոր առաջին կորստի ռիսկը:

«Ակբա» բանկը եւ Վերակառուցման եւ զարգացման Եվրոպական բանկը համագործակցում են 2003 թվականից:

ՎԶԵԲ-ը Հայաստանում գործում է 1992 թվականից՝ իրականացված 232 ծրագրում ներդնելով շուրջ 2.6 միլիարդ եվրո՝ այդպիսով նպաստելով երկրի տնտեսության տարբեր ոլորտների զարգացմանը:

«Ակբա» բանկը վերահսկվում է ՀՀ ԿԲ կողմից:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԱՍԻՆԻՍ

ՀԵՐԹԱԿԱՆ «ՄԱՍԻՆԻՍ» ԳՈՐԾԱԿԱՆ ԳՈՐԾԱԿԱՆ ԳՈՐԾԱԿԱՆ

ԳՐԱԴԱՐԱՆԻՑ ԳՈՐԾԱԿԱՆ ԵՆ ՄԱՍԻՆԻՍ ՈՒԹ ԱՇԽԱՏԱՆՔ

Ման Պատուի համալսարանական միջավայրի կարևոր մեկուն՝ Biblioteca Mrio de Andrade գրադարանում, վերջերս արձանագրվեց աղմկահարույց գողություն: Ձիմված երկու անձինքները ներխուժեցին գրադարանի հասցեական ֆրանսիացի մեծագործ Ման Մասիսի ուր փորագրություն, ինչպես նաև բրազիլացի նկարիչ Կանդիդո Պորսինյարի առնվազն հինգ աշխատանքներ:

Բրազիլացի պաշտոնյաների հաղորդմամբ՝ հարձակվողները սպառնացել էին այնտեղ գտնվող անվտանգության աշխատակցին եւ տարեց ամսական գույքին: Արվեստի արժեքավոր գործերը վերցնելուց հետո նրանք չեն փորձել փախուստի դիմել մեքենայով. պարզապես հեռացել են ոտքով՝ շարժվելով մոտակա մետրոյի ուղղությամբ:

Գողերը գրադարան էին մտել կիրակի օրը՝ առավոտյան ժամը 10:00-ին՝ օգտագործելով գլխավոր մուտքը, եւ նույն ճանապարհով էլ դուրս էին եկել՝ առանց որեւէ խոչընդոտի:

Այս միջադեպը տեղի ունեցավ մշակութային աշխարհի համար ծանր ժամանակաշրջանում՝ ընդամենը մի քանի շաբաթ անց այն աղմկահարույց գողությունից, որը ցնցեց Լուվրը:

Biblioteca Mrio de Andrade գրադարանը Բրազիլիայի երկրորդ ամենամեծ գրադարանն է: Պաշտոնյաների խոսքով՝ շենքում տեղադրված էին նաեւ դեմքի նույնականացման համակարգով աշխատող տեսախցիկներ, ինչը կարող է զգալիորեն օգնել հանցագործների ինքնությունը պարզելու գործում:

Արվեստաբանների կարծիքով՝ հատկապես Մատիսի գողացված փորագրությունների արժեքը «անհաշվելի» է: Մատիսը համարվում է 20-րդ դարի ամենաազդեցիկ արվեստագետներից մեկը, իսկ Պորսինյարին՝ բրազիլական մոդեռնիզմի առանցքային դեմքերից:

Հիշեցնենք, որ Լուվրում նույնպես գողություն էր տեղի ունեցել հոկտեմբերի 19-ին:



Երբ ժամը 9:00-ին թանգարանը բացվել էր այցելուների համար, ընդամենը կես ժամ անց աշխատանքային համագեւորված գողերը մոտեցել էին բեռների տեղափոխման համար նախատեսված սայլին՝ այն կանգնեցնելով թանգարանի մուտքի մոտ: Նրանք տեղադրել էին երթուղիները սահմանափակող նշաններ՝ ստեղծելով շինարարական աշխատանքների պատրանք:

Երկու գող սանդուղք էին բարձրացրել, հասել պատշգամբին եւ ներս մտել թանգարան՝ բաց պատուհանով:

Ժամանակագրությունը եղել է հետևյալը.

- 9:34 - Գողերը ներխուժել են Ապոլոնի պատկերասրահի հարավային հատված: Անվտանգության կառավարման կենտրոնում միաժամանակ գործել է ազդանշանը, իսկ հերթապահ աշխատակիցը ռադիոկապով տեղեկացրել է հրամանատարական խմբին:
- 9:35 - Նրանք կտրիչներով բացել են երկու ցուցափեղկերի ապակիները եւ գողացել թանկարժեք զարդերը: Անվտանգության աշխատակիցները սկսել են այցելուների տարահանումը: Թանգարանի տնօրենը անհապաղ կապ է հաստատել

ուստիկանության հետ՝ խնդրելով արագ միջամտություն:

- 9:36 - Համալսարանական կենտրոնի ղեկավարն ակտիվացրել է հատուկ ազդանշանային համակարգը՝ ուղղակի կապ հաստատելով Փարիզի ոստիկանության գլխավոր վարչության հետ:
 - 9:37 - Թանգարանի բոլոր աշխատակիցներին ուղարկվել է հաղորդագրություն՝ մուտքերը փակելու պահանջով:
 - 9:38 - Գողերը կրկին դուրս են եկել նույն պատուհանով, միացել երկու սպասող համախոհներին եւ փախել դեպի արեւելք՝ սկուտերներով: Նրանցից մեացել էր դեղին բաճկոն՝ շինարարական հագուստ, ինչպես նաեւ գործիքներ, այդ թվում՝ կտրիչ:
- Օրվա երկրորդ կեսին թանգարանի մոտակայքում հայտնաբերվել էր Ֆրանսիայի կայսր Նապոլեոն III-ի կնոջ՝ կայսրուհի Եվգենյայի թագը՝ գնդապետներով եւ շուրջ հազար երեք հարյուր աղամանող զարդարված: Սակայն գողերը իրենց հետ տարել էին եւս ութ պատմական անգնահատելի արժեք ունեցող առարկա:
- Ավելի ուշ կասկածյալները հայտնաբերվել էին, եւ երկու տղամարդ խոստովանել էին կատարած արարքը:

ՀԱՄԱՍԻՆԻՍ

ՄԱՐԶԱԿԱՆ

ՄԻԻԹԱՐՅԱՆԸ՝ ԼԻՎԵՐՊՈՒԼԻ ԴԵՄ ԽԱՂԻ ՄԱՍԻՆ

Չեմպիոնների լիգայի խաղարկության լիգայի փուլի վեցերորդ տուրում Միլանի «Ինտերը» սեփական հարկի տակ նվազագույն հաշվով պարտվեց «Լիվերպուլին» (0:1):

Խաղից հետո հանդիպման վերաբերյալ կարծիք է հայտնել Հայաստանի ազգային հավաքականի բոլոր ժամանակների լավագույն ռմբարկու, միլանյան ակումբի կիսապաշտպան Հենրիխ Մխիթարյանը:

«Ցավալի է պարտվել այսպես՝ 11-մետրանոցի պատճառով: Առհասարակ, դժվար է հասկանալ նման 11-մետրանոցները, դժվար է ընդունել, երբ ամբողջ խաղն անցել է պայքարում: Բայց պետք է գլուխը բարձր պահել, առաջ նայել, ավելի շատ աշխատել՝ փորձելու համար փոխել իրավիճակը», - ասել է Մխիթարյանը Sky Sport-ի հետ զրույցում:

Չեմպիոնների լիգայի խաղարկության յոթերորդ տուրում Մխիթարյանը կհանդիպի իր Նախկին ակումբին՝ «Արսենալին»: Այդ հանդիպումը կկայանա հունվարի 20-ին՝ Երեւանի ժամանակով 00:00-ին:

ԱՄԵՆԱԹԱՆԿԱՐԺԵՐ ԽԱՂԱՑՈՂՆԵՐԸ

«Բարսելոնայի» 18-ամյա հարձակվող Լամին Յամալը տեւական ժամանակ կրում էր աշխարհի ամենաթանկ ֆուտբոլիստի տիտղոսը: Նա դեռեւս պահպանում է այդ դիրքը, սակայն նրա առաջատարությունն այլեւս միանձնյա չէ: Հեղինակավոր Transfermarkt պորտալի տվյալներով՝ այժմ 200 միլիոն եվրո արժեք ունեն ոչ միայն Յամալը, այլեւ Էրլինգ Բրանսլանդը: «Սանչեսթեր Սիթիի» նորվեգացի ռմբարկուի տրանսֆերային արժեքը աճել է եւս 20 միլիոն եվրոյով: Աշխարհի ամենաթանկ խաղացողների վարկանիշում երրորդ տեղը կիսում են Մարքիոսի «Ռեալի» աստղեր Զուդո Բելինգհեմը եւ Կիլիան Մբապե: Նրանց տրանսֆերային ներկայիս արժեքը կազմում է 180 միլիոն եվրո: Հավանաբար առաջիկա օրերին այդ գնային պիտակները եւս կարող են փոխվել:

Մոլորակի ամենաթանկարժեք ֆուտբոլիստների հնգյակը ներկայումս եզրափակում է «Ռեալի» մեկ այլ խաղացող՝ Վինիսիուս Ժունիորը, որի տրանսֆերային արժեքը գնահատվում է 150 միլիոն եվրո:

ԶԻՋԵԼ Է ԴԻՐՔԵՐԸ

UFC 323 մրցաշարի ավարտից հետո կազմակերպությունը թարմացրել է անկախ քաջային կարգերի վարկանիշային աղյուսակը, որտեղ տեղի են ունեցել էական փոփոխություններ:

Աղյուսակի առաջատարի դիրքը շարունակում է պահպանել Իսլամ Մախաչեւը, իսկ երկրորդ հորիզոնականում Իլիա Թոփուրիան է: Լավագույն եռյակ է բարձրացել Խամգատ Չիմանը:

Վարկանիշային անկում է գրանցել Մեռաբ Դվալիշվիլին: Պետր Յանի հետ ռեանշ մենամարտում կրած պարտությունից հետո վրացի մարզիկը նահանջել է եւ այժմ զբաղեցնում է 8-րդ հորիզոնականը: Հայաստանը ներկայացնող Արման Ծառուկյանը նահանջել է երկու աստիճանով եւ այժմ գտնվում է 15-րդ տեղում:

● Դեկտեմբերի 12-ին՝ 19:00-ին, Հ. Ղափլանյանի անվան դրամատիկական թատրոնում տեղի կունենա «Փարիզյան դատավճիռ» ներկայացումը: Տոմսերի արժեքը՝ 3.000, 4.000 դրամ:

ԿԱՐԳ

ՀԱՐՑ. Ես ուզում եմ իմանալ, թե որ փաստաթղթերը ադոպտիվով վավերացման ենթակա չեն:

Սահակ Պետրոսյան (39 տարեկան)

ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ ապոստիլով վավերացման ենթակա չեն՝

1) դիվանագիտական կամ հյուպատոսական գործակալների տված փաստաթղթերը,

2) առեւտրային կամ մաքսային գործունեության հետ ուղղակիորեն կապված վարչական փաստաթղթերը:

Կոնվենցիայի անդամ պետությունների իրավասու մարմինների՝ տվյալ պետության օրենսդրությամբ սահմանված կարգով եւ իրենց լիազորությունների շրջանակներում տրված փաստաթղթերը, որոնք վավերացված են ապոստիլով, Հայաստանի Հանրապետության տարածքում համարվում են վավեր, առանց հյուպատոսական վավերացման կամ այլ լրացուցիչ օրինակաւացման:

Վերը նշված փաստաթղթերի՝ ապոստիլով վավերացված լինելը պարտադիր է, եթե Հայաստանի Հանրապետության օրենքով այլ բան նախատեսված չէ, կամ Հայաստանի Հանրապետության միջազգային այլ պայմանագրերով վերացվել, պարզեցվել է օրինակաւացման ընթացակարգը, կամ փաստաթուղթն ազատվել է օրինականացումից:

ՀՀ արդարադատության նախարարություն

«ԺՈՂՈՎՈՐԴ». Ապոստիլով չեն վավերացվում պաշտոնական այն փաստաթղթերը, որոնք ուղարկվում են «Քաղաքացիական, ընտանեկան եւ քրեական գործերով իրավական օգնության եւ իրավական հարաբերությունների մասին» 1993 թվականի հունվարի 22-ի Մինսկի կոնվենցիային միացած ԱՊՀ անդամ երկրներ, ինչպես նաեւ Բուլղարիա, Լիտվայի եւ Հայաստանի Հանրապետության միջազգային պայմանագրերով նախատեսված մի շարք այլ երկրներ: Եթե պետությունը Հաագայի կոնվենցիայի անդամ չէ, ապա փաստաթղթերի օրինականացումը (լեգալիզացիա) կատարվում է հյուպատոսական ճանապարհով:

ԵՂԱՆԱԿԻ ՏԵՍՈՒԹՅՈՒՆ

	Շիրակ	- 5 - 9 + 2 + 5
	Կոտայքի լեռներ	- 5 - 8 + 2 + 4
	Կոտայքի նախալեռներ	- 1 + 2 + 5 + 7
	Գեղարքունիք	- 4 - 8 + 1 + 5
	Լոռի	- 3 - 8 + 6 + 9
	Տավուշ	0 + 3 + 8 + 11
	Արագածոտնի լեռներ	- 5 - 9 + 1 + 4
	Արագածոտնի նախալեռներ	- 2 + 3 + 4 + 8

	Արարատ	+ 2 + 5 + 7 + 10
	Արմավիր	+ 1 + 4 + 7 + 9
	Վայոց ձորի լեռներ	- 3 - 6 + 2 + 4
	Վայոց ձորի նախալեռներ	+ 1 + 4 + 7 + 9
	Սյունիքի նախալեռներ	- 1 - 5 + 6 + 9
	Սյունիքի հովիտներ	+ 2 + 5 + 8 + 11
	ԼՂՀ	+ 1 + 4 + 7 + 10
	Երեւան	+ 3 + 5 + 6 + 7

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **10.12.2025**
Տպաքանակ՝ 3968

ՀՈԳԵՎՈՐ

ՀԱՐՑ. Ինչո՞ւ է Հայ Եկեղեցին կոչվում Գրիգորյան կամ Լուսավորչական: Գուցե դասճառը Գրիգորյան օրացո՞ւյցն է:

Լիլիթ Մանուշարյան (36 տարեկան)

ՊԱՏԱՍԽԱՆ. Հայ Առաքելական Եկեղեցին Լուսավորչական չէ: Եվ օրացույցն անվան հետ կապ չունի: Հարցը ժողովրդի քաղաքականության մեջ է:

Հայ Առաքելական Եկեղեցին քրիստոնեական հնագույն եկեղեցիներից մեկն է: Նրա հիմնադիրներն են Քրիստոսի սուրբ Առաքյալները՝ Թադեոսն ու Բարթողիմեոսը, որ դեռ առաջին դարում Հայաստանում քրիստոնեություն էին քարոզել: Արդեն այն ժամանակ Հայաստանում սկիզբ էին առել քրիստոնյաների առաջին համայնքները եւ տարածում գտել 2-3-րդ դարերում: Այսպիսով, դեռ մինչեւ Ս. Լուսավորչի օրերը, հայերն ունեին հավատացյալներ, քահանաներ ու եպիսկոպոսներ: Այդ մասին վկայում են ինչպես հայկական, այնպես էլ օտար պատմական աղբյուրները՝ Ագաթանգեղոսը, Մովսես Խորենացին, Փավստոս Բուզանդը, ինչպես նաեւ Սեբեոսը, Տերտուլիանոսը, Տադեանոսը, Կեսարիայի եպիսկոպոս Փիրմիլիանոսը, Եվսեբիոս Կեսարացին, Դիոնիսիոս Աղեքսանդրացին եւ Օգոստինոս Երանելին:

19-րդ դարի առաջին կեսին, երբ Արեւելյան Հայաստանը միացվել էր Ռուսական կայսրությանը, 1836թ. կայսրական դիվանատունն ու Ռուս Ուղղափառ Եկեղեցին մշակեցին մի փաստաթուղթ, որ կոչվեց «Պոլո-ժենիե», կամ բառացի թարգմանությամբ՝ «Դրույթ Հայ Եկեղեցու մասին», որի համաձայն՝ Հայ Եկեղեցին կոչվում էր «Լուսավորչական»՝ ի պատիվ Ս. Գրիգոր Լուսավորչի՝ Հայաստանի առաջին մկրտիչ կաթողիկոս-հայրապետի: «Լուսավորչական» անվանումը 300 տարով կարճացնում էր Հայաստանի քրիստոնեական պատմությունը: Ռուսները դա արել են հատուկ նպատակով, որպեսզի մեզ ուղղափառ չկոչեն, որպեսզի ցույց տան, թե իբրեւ թե հայերն առաքելական ժառանգություն չունեն եւ հավատն ընդունել են միայն Ս. Գրիգոր Լուսավորչից: Սակայն եթե հետեւենք ժամանակի ժողովրդի տրամաբանությանը, ապա Ռուս Եկեղեցին պետք է անվանել Վլադիմիրական, քանզի նա էր «մկրտել» Ռուսիան:

Օրինությամբ՝ Տ. Դեոնիս աբեղա Յովհաննիսյան

«ԺՈՂՈՎՈՐԴ». Մեր Եկեղեցին կոչվում է Հայ Առաքելական Սուրբ Եկեղեցի եւ պատկանում է Հնագույն Արեւելյան Ուղղափառ Եկեղեցիների ընտանիքին:

ԼՈՒՐ ԿԱՐԴ

Լուսանկարը՝ համացանցից

Երեւանում տեղի կունենա լիբանանահայ հայտնի նկարիչ, այս յուրահատուկ կտավի հեղինակ Հրայր Դիարբեքիրյանի աշխատանքների ցուցադրությունը. այն կկրի «Արեւ» խորագիրը:

Ցուցահանդեսը կբացվի Latitude Art Space-ում (Աշտարակի մայրուղի 7/1): Նկարչի գործերը Երեւանում ցուցադրվելու են առաջին անգամ:

Ցուցահանդեսը կբացվի 2025 թվականի դեկտեմբերի 13-ին եւ կշարունակվի մինչեւ 2026 թվականի հունվարի 18-ը:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:

Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Հասցեն՝ Գեղարքունիքի մարզ, ք. Վարդգես, Կ. Կապանյան 20/1